



KENYATAAN MEDIA

Untuk siaran segera

TAWARAN PENGURANGAN PENALTI BAGI PENGAKUAN SECARA SUKARELA DAN PENGHAPUSAN KENAIKAN BAGI PEMBAYARAN TUNGGAKAN CUKAI

1. Berikutan pengubahsuaian Bajet 2016 yang diumumkan oleh YAB Perdana Menteri pada 28 Januari 2016 dan bagi menggalakkan pembayar cukai tampil secara sukarela melaporkan pendapatan tahun kebelakang dan juga menyelesaikan amaun tunggakan cukai mereka, sukacita dimaklumkan bahawa, Lembaga Hasil Dalam Negeri Malaysia (LHDNM) membuat tawaran seperti berikut:
 - i. Pengurangan penalti (Jadual 1) pada kadar tertentu bagi pengakuan secara sukarela kepada:
 - a. Pembayar cukai yang masih belum mengemukakan Borang Nyata Cukai Pendapatan (BNCP) atau Borang Nyata Petroleum (BNP) tahun kebelakang (kes lewat hantar BNCP atau BNP); dan
 - b. Pembayar cukai yang telah mengemukakan BNCP atau BNP tetapi tidak melaporkan maklumat cukai pendapatan dengan betul.
 - c. Pelupus yang gagal melaporkan pelupusan harta tanah dalam tempoh yang ditetapkan; dan
 - d. Pembayar duti yang gagal mengemukakan surat cara untuk disetemkan dalam tempoh yang ditetapkan.

- ii. Penghapusan kenaikan cukai (Jadual 1) kepada pembayar cukai yang membayar amaun tunggakan cukai pendapatan, cukai petroleum, cukai keuntungan harta tanah atau cukai pegangan sebelum atau pada 15 Disember 2016
2. Tawaran ini akan bermula pada 1 Mac 2016 sehingga 15 Disember 2016.
3. Pertimbangan pengurangan penalti dan penghapusan kenaikan cukai ini tertakluk kepada merit sesuatu kes dan syarat-syarat yang telah ditetapkan oleh LHDNM.
4. Garis panduan mengenai tawaran ini boleh dirujuk di Portal Rasmi LHDNM www.hasil.gov.my.
5. Bagi mendapatkan maklumat lanjut mengenai tawaran ini, pembayar cukai boleh menghubungi Meja Bantuan Pengurangan Penalti dan Penghapusan Kenaikan Cukai di talian 03-8313 8885 atau Pusat Khidmat Pelanggan LHDNM di talian 1-800-88-5436.

#

SEKIAN, TERIMA KASIH



Dikeluarkan oleh:

Masrun Bin Maslim | Customer Care Officer (Media)

Bahagian Komunikasi Korporat & Multimedia | Jabatan Khidmat Korporat |

Lembaga Hasil Dalam Negeri Malaysia

☎ : 019-2220034 | 03-8313 8888 samb. 21326 / 21371 | 📠 : 03-8313 7836

Pusat Panggilan : 1-800-88-5436 (LHDN)

Portal Rasmi : www.hasil.gov.my

Tarikh : 10 Februari 2016

Kenyataan Media LHDNM, 10 Februari 2016

Jadual 1: Peruntukan-peruntukan yang terlibat dengan tawaran pengurangan penalti dan penghapusan kenaikan cukai adalah seperti berikut:

Penalti cukai	Kenaikan cukai
a. Bagi pengakuan secara sukarela, penyelesaian kes audit atau penyelesaian kes siasatan: i. Subseksyen 112(3) dan subseksyen 113(2) Akta Cukai Pendapatan 1967 ii. Subseksyen 51(3) dan subseksyen 52(2) Akta Petroleum (Cukai Pendapatan) 1967 b. Bagi penyelesaian kes secara sukarela untuk pelupus yang lewat mengemukakan Borang CKHT: i. Subseksyen 29(3) Akta Cukai Keuntungan Harta Tanah 1976 c. Bagi pengakuan secara sukarela dan penyelesaian kes audit surat cara: i. Subseksyen 47A(1) Akta Setem 1949	a. Tunggakan cukai pendapatan: Akta Cukai Pendapatan 1967 i. Seksyen 103, subseksyen 107B(3), subseksyen 107B(4), subseksyen 107C(9) dan subseksyen 107C(10) b. Tunggakan cukai petroleum: Akta Petroleum (Cukai Pendapatan) 1967 i. Seksyen 48 dan subseksyen 49A(11) c. Tunggakan cukai keuntungan harta tanah: Akta Cukai Keuntungan Harta Tanah 1976 i. Subseksyen 21(4) dan seksyen 21B d. Tunggakan cukai pegangan: Akta Cukai Pendapatan 1967 i. Subseksyen 107A(2); atau ii. Subseksyen 109(2), subseksyen 109B(2), subseksyen 109D(3), subseksyen 109E(4), subseksyen 109F(2) dan subseksyen 109G(2)